



**ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԲ ՆՈՐԻՆ ՍՐԲՈՒԹՅՈՒՆ ԱԼԵՔՍԻՆ
ԵՎ ՀԱՄԱՅՆ ՎՐԱՑ ՊԱՏՐԻԱՐԲ-ԿԱԹՈՂԻԿՈՍ ՆՈՐԻՆ ՍՐԲՈՒԹՅՈՒՆ ԵՓՐԵՍ Բ-Ը
ՄԱՅՐ ԱԹՈՒ ՍՈՒՐԲ ԷԶՄԻԱՇՆՈՒՄ**

Նորին Ս. Օծություն Վեհափառ Հայրապետը, երբ Ս. էջմիածին էր վերադառնում արտասահման կատարած իր հովվապետական այցելությունից, Մոսկվայում Նորին Սրբություն Ալեքսի Պատրիարքի հետ իր տեսություն ժամանակ, Նրան հրավիրեց այցելելու Մայր Աթոռ Ս. էջմիածին:

Ալեքսի Պատրիարքը Վեհափառ Հայրապետի հրավերը ընդունեց ջերմ գոհունակությամբ և հոկտեմբերի 27-ին Թբիլիսիից հատուկ ինքնաթիռով ժամանեց Երևան, Համայն Վրաց Պատրիարք-Կաթողիկոս Եփրեմ Բ-ի հետ, որին ևս հրավիրել էր Վեհափառ Հայրապետը Նրա գահակալության օրերին, երբ գտնվում էր Թբիլիսիում:

Երկու քույր եկեղեցիների Սրբազան Պետերին Մայր Աթոռ առաջնորդելու համար, երկու օր առաջ Մայր Աթոռից հատուկ հրավիրակներ ուղարկվեցին Թբիլիսի՝ Հոգևոր Ընծարանի վերատեսուչ գերաշնորհ Ս. Հայկազուն եպիսկոպոս Աբրահամյանը և Արարատյան թեմի առաջնորդական փոխանորդ հոգեշնորհ Ս. Վահան վարդապետ Տերյանը:

Սրբազան Հյուրերին դիմավորելու համար Երևանի օդանավակայանում են Վեհափառ Հայրապետը, Մայր Աթոռի ողջ միաբանությունը, Երևանի եկեղեցիների քահանայական դասը, Գերագույն Հոգևոր Խորհրդի անդամները և հոծ թվով հավատացյալներ:

Բարձրապատիվ Հյուրերին դիմավորելու համար օդանավակայանում են նաև Հայկական ՍՍՌ Մինիստրների Սովետին առընթե-

Հայ եկեղեցու գործերի խորհրդի մեծարգո նախագահ պր. Ս. Գասպարյանը և նրա տեղակալը՝ պր. Ս. Հովհաննիսյանը:

Տեղական ժամանակով ժամը 1. 30-ին ինքնաթիռը վայրէջք է կատարում Երևանի օդանավակայանում, բերելով իր հետ քույր եկեղեցիների Հովվապետներին՝ իրենց հոգևորական և աշխարհական հետևորդներով: Հյուրերին ուղեկցում են գերաշնորհ Ս. Հայկազուն և գերաշնորհ Ս. Կոմիտաս սրբազաններն ու հոգեշնորհ Ս. Վահան վարդապետը: Սրտագին ողջագուրումից և բարի գալստյան խոսքեր փոխանակելուց հետո, Վեհափառ Հայրապետը իր ուղեկիցներով վերադառնում է Մայր Աթոռ, իսկ հյուրերը առաջնորդվում են մայրաքաղաքի «Ինտուրիստ» հյուրանոցը: Կարճատև հանգստից հետո, Ռուս և Վրաց եկեղեցիների Սրբազան Հովվապետները իրենց հետևորդներով ժամանում են Ս. էջմիածին:

Մոսկվայի և Համայն Ռուսիո Պատրիարք Ալեքսիին ուղեկցում են Խերսոնի և Օդեսայի գերաշնորհ Բորիս միտրոպոլիտը, բարեշնորհ Պատոն ավագ սարկավագը, Դ. Ա. Օստակովը՝ Մոսկվայի Պատրիարքարանի տնտեսական բաժնի վարիչ, Վ. Զայցևը՝ տնտեսական բաժնի վարիչի տեղակալ, Մ. Միրոշնիչենկոն՝ Խերսոնի և Օդեսայի միտրոպոլիտի ղեկավարապետ: Իսկ Նորին Սրբություն Վրաց Պատրիարք-Կաթողիկոսին ուղեկցում են գերաշնորհ Դավիթ եպիսկոպոսը և արժանապատիվ Ալեքսանդր ավագ քահանան:

Մայր Աթոռի գլխավոր դարբասի մոտ, միաբանությունը իր գլուխը ունենալով, լուսարարապետ Տ. Սահակ սրբազանը բարձրապատիվ Հյուրերին ընդունում է խաշով և խաշվառով, «Հրաշափառ»-ով և ամպհովանիով, հանդիսավորապես առաջնորդում Մայր Տաճար, որտեղ Սրբազան Հյուրերին սրտագին ողջագուրումով ընդունում է Վեհափառ Հայրապետը։ Ամեն ոք ուրախ է տեսնելով երեք քույր Եկեղեցիների Գահակալներին Միաձնաէջ Մայր Տաճարի խնկաբույր ու ներշնչիչ կամարների տակ։ «Զի՛ բարի կամ զի՛ վայելուչ, զի՛ բնակեն եղբարք ի միասին» (Սաղմ. ԺԼԹ 1)։

ու Հայրենիքի վերածնունդը, այլ նաև մեր ժողովրդի պաշտամունքը լուսավորչի Գահի և Գահակալի նկատմամբ։

Ուրախ է Հայաստանյայց Եկեղեցին։ Այսօր Ս. Էջմիածին ուխտի են եկել քույր Եկեղեցիների զույգ Գահակալները, բարեկամության մի ոսկյա էջ ևս ավելացնելով մեր ժողովրդի հազարամյա պատմության մեջ, բարեկամություն, որ շատ թանկ է մեզ համար, որովհետև մենք այդ բարեկամության մեջ տեսնում ենք մեր Եկեղեցիների և մեր ժողովուրդների առաջադիմության փառավոր ազդակներից մեկը։



ՎԵՀԱՓԱՐ ՀԱՅՐԱՊԵՏՆԸ ԵՎ ԱԼԵՔՍԻ ՊԱՏՐԻԱՐԺԸ ՎԵՀԱՐԱՆԻ ԴԱՀԼԻՃՈՒՄ

Ուրախ է նաև հավատացյալ հայ ժողովուրդը, տեսնելով նրանց գալուստը արևավառ Հայաստան աշխարհ և ի Ս. Էջմիածին։ Նորին Ս. Օծուխյուն Վազգեն Ա Հայրապետի բարեբաաստիկ ընտրության և լուսավորչի Գահին բազմելու պահից, օրավուր բարձրացավ լուսավորչի Գահի հեղինակությունը ոչ միայն հայ ժողովրդի, այլ նաև օտարների աչքում։ Վերջին երկու-երեք տարվա ընթացքում, հինգ Աթոռների Գահակալներ այցելեցին Մայր Աթոռ Ս. Էջմիածին, իրենց իսկ աչքերով տեսնելով ոչ միայն հայ ժողովրդի

Մայր Տաճարում Վեհափառ Հայրապետը հայ ժողովրդի, Հայաստանյայց Եկեղեցու և Ս. Էջմիածնի անունով բարի գալստյան սրբառուչ խոսք է ասում Հյուրերին։

«Այսօր է գո՛ր առա՛ր Տէր, եկայ՛ք ցնծացու՛ք ի սմա»։

Միեկեցյալ՝ Եղբայրներ Մեր ի Քրիստոս, Ձերդ Սրբություն Ալեքսի Պատրիարք Համայն Ռուսիո և Ձերդ Սրբություն Նիքիեի Պատրիարք-Կաթողիկոս Վրաստանի։

Սաղմսեբգութի սուրբ սրտով, Մենք բարի գալուստ կմաղթենք Ձերդ Սրբությանը ի Ս.

Էջմիածին՝ բազմադարյան սուրբ հավատքի կեդրոնը հայ ժողովուրդի։ Պայծառ սրտով և ջերմ հոգիով ուրախ ենք այս պահուս, ինչպես պայծառ է մեր երկրի երկինքը այսօր, ու ինչպես ջերմ է ոսկի արևը Հայաստանի։ Ս. Էջմիածին գանգերը այսօր ցնծությամբ կավետեն հավատացյալ հայ ժողովուրդին և համայն Բրիտանիայի աշխարհին՝ մեր երեք պատմական Ս. եկեղեցիներու Պետերու հանդիպումը այստեղ՝ Փրկչի Իշման Ս. Տաճարին մեջ։ Մեր եկեղեցիներու Բրիտանիայի սիրո և եղբայրության պատմությունը շատ հին են կուգա մեզի, իբրև սրբազան ժառանգություն մը։ Հայաստանյայց եկեղեցին միշտ ջերմությամբ և անկեղծ սիրով իր սիրտը բացել է Ռուս Պրավոսլավ և Վրացական Բույր եկեղեցիներուն։ Այսօր մեզի համար պատմական օր մըն է, որովհետև անգամ մը ևս կընշտվի մեր սուրբ, անբաժանելի եղբայրությունը։ Թող Աստված ծաղկեցնե և զորացնե մեր Ս. եկեղեցիները՝ ի փառս Քրիստոսի եկեղեցվո և ի մխիթարություն մեր հավատացյալ ժողովուրդներուն։ Մեր եկեղեցիներու պատմական բարեկամությունը խորհրդանշել է նաև մեր ժողովուրդներու բարեկամության՝ ռուս, վրացի և հայ ժողովուրդներու բարեկամության։ Մենք այս Ս. Տաճարի Սեդանի առջև միշտ կադորենք առ Աստված վասն սիրո ամրապնդման մեր ժողովուրդներու և վասն անոնց եղբայրության։ Այս պահուս, երբ Ս. Տաճարիս զանգակները ցնծազին կննչեն, անոնք կավետեն ռուս, վրացի և հայ ժողովուրդներու եղբայրության ավետիսը։ Մեր եկեղեցիներու գործակցությունը առավել ևս զարգացավ, և փոխադարձ սերը առավել անեցավ մեր շրջանին, մանավանդ խաղաղության անունով մղված պայքարի նախապարհին վրա։ Երեք եկեղեցիները՝ Ռուս Պրավոսլավ մեծ եկեղեցին, Վրացական Պրավոսլավ եկեղեցին և Հայաստանյայց Առաքելական եկեղեցին իրարու մոտեցան և սերտ գործակցությամբ մը հառաջ տարին իրենց աշխատանքը՝ ամրապնդելու համար խաղաղությունը ամբողջ աշխարհի մեջ։ Այդ աշխատանքը մենք հառաջ կտանինք և կծավալենք ավետարանական ոգիով և մարդասիրական ու հայրենասիրական գիտակցությամբ։

Թող Աստված ուժ և կորով պարգևե մեզ բոլորիս, որպեսզի մեր այս սուրբ առաքելությունը կարողանանք շարունակել մինչև վերջնական ապահովումը խաղաղության համայն աշխարհի մեջ։

Սրեցյալ եղբայր Մեր, Ձերդ Սրբություն Ալեքսի, այս մտածումներով և այս զգացումներով, անգամ մը ևս ջերմապես Ձեզ կմաղթենք բարի գալուստ Ս. Էջմիածին և Հայաստան աշխարհ։ Ձեզ երկա՜ր. կյանք

Բաշտողությամբ և եղանակ հովվապետությամբ։ Միշտ ուրախ ըլլա՛ք և միշտ լույս բաշխե՛ք Ձեր ժողովուրդին։ Ձեր լուսավոր բարի ժպիտը ծաղկո՛ւ է ռուս ժողովուրդին։ Ռուս ժողովուրդի ժպիտը ուրախությունն է հայ ժողովուրդին։

Կեցցե՛ն Ալեքսի Պատրիարք և Ռուս Պրավոսլավ մեծ և Սուրբ եկեղեցին։

Երկա՛ր և արևաշատ կյանք նաև Ձեզ, սիրելի՛ եղբայր Մեր եփրեմ։ Թող զորանա և ծաղկի Վրացական Ս. եկեղեցին և Դուր խաղաղությամբ հովվե՛ք Ձեր ժողովուրդը։

Կեցցե՛ն եփրեմ Կաթողիկոս և Վրաց եղբայրական ժողովուրդը։

Վեհափառ Հայրապետի այս հուզիչ խոսքերից հետո, Մոսկվայի և Համայն Ռուսիո Պատրիարք Նորին Սրբություն Ալեքսիս Իր պատասխան խոսքն է ասում, խորին շնորհակալություն հայտնելով այնքան ջերմ խոսքերի և սիրալիք ընդունելության համար։

«Մենք սիրո և ցնծության զգացումներով այցելում ենք Ս. Էջմիածին և ուրախ ենք տեսնելով այսօր շատ հոգևոր դեմքեր, այդ բովում նաև մատաղ սերունդը՝ Ձեր սաները, որոնք այս հույսկալ Մայրավանքի հինավուրց կամարների տակ, հոգեպես ու մարմնապես անելով, ապագայում պիտի նվիրվեն հոգևոր կյանքի, ծառայելով Ձեր եկեղեցուն ու Ձեր ժողովրդի հոգևոր կարիքներին։

Մենք ուրախանում ենք, որ հավատավոր ժողովրդի հոծ բազմություն ենք տեսնում այս Ս. Տաճարում։

Մենք, Ռուս Պրավոսլավ եկեղեցու և Մեր անունից, ողջունում ենք հնադարյան այս հայկական Տաճարը, եղբայրական սիրով հայցում ենք Տիրոջ օրհնությունը հավատացյալ հայ ժողովրդի վրա։ Աղոթում ենք վասն խաղաղության ամենայն աշխարհի։ Ձեր եկեղեցին ամբողջ սրտով նույնպես աղոթում է խաղաղության համար ամբողջ աշխարհում։ Մեր միատեղ աղոթքը անտարակույս կհասնի երկինք առ Աստված, և Տերը կուրակի մեզ այն, ինչ մենք խնդրում ենք, հատկապես կայուն և հարստ խաղաղություն, առանց որի հնարավոր չի լինի իրագործել բարի նպատակներ։

Մենք հայցում ենք Աստուծո օրհնությունը հավատացյալ հայ ժողովրդի վրա, որը մի կողմից այսպիսի ջերմ սիրով կապված է իր սրբություններին և մյուս կողմից խառնատուն է իր Հայրենիքի բարեկեցության և բարգավաճման համար։

Մենք աստեղ, Ս. Էջմիածնում մեծ սիրո և ուղարկության ենք արժանանում Հայ եկեղեցու մեծ ներկայացուցչի, Մայրապետ Պատրիարքի և Կաթողիկոսի կողմից։ Մենք մեր սերը հայտնելով, եղբայրական սիրով



ԹՈՒՍԱՑ ԱԼԵՔՍԻ ՊԱՏՐԻԱՐԺԸ (աջից) ԵՎ ՎՐԱՑ ԵՓՐԵՄ Բ ԿԱԹՈՂԻԿՈՍԸ
Ս. ԷԶՄԻԱՍԵՆԻ ՄԱՏԻ ՏԱՃԱՐՈՒՄ

ողջագուրում ենք և ցանկանում ենք Ձեզ երկա՛ր տարիներ, երիտասարդ Պատրիարհ Կաթողիկոսիդ, որ մեզ բոլորիս վերապրեցնում էք Ձեր Եկեղեցու փառքով:

Մենք ողջունում ենք և Ձեր հոգևոր դասին, որն այնքան սիրով դիմավորեց և ուղեկցեց Մեզ, և հավատացած ենք, շնայած որոշ վարդապետական հարցերում տարբերվում ենք իրարից, բայց և այնպես մեր աղոթքները կհասնեն երկինք և կարժանանան Տիրոջ ուշադրությանն ու ողորմությանը:

Ռուս Ուղղափառ Եկեղեցին իր հատուկ սերն ու ուշադրությունն է ցուցաբերում հնադարյան Հայ Եկեղեցու և հայ ժողովրդի հանդեպ: Մեր հոգևոր այս սանդիկայումը ապացույց կհանդիսանա այդ սփռնչի սիրո կապին: Այս փոխադարձ այցելությունը Մեզ տալիս է անսահման ուրախություն:

Թող Տերը օրհնի մեր այսօրվա եղբայրական հանդիպումը: Չնայած այն բանին, որ մենք ապրում ենք տարբեր վայրերում, բայց և այնպես բոլ աշխարհում սերը հաճախ դառնա:

Մի անգամ ևս Մեր խորին շնորհակալությունը հայտնելով Ձեր սիրալիք ընդունելության համար, մաղթում ենք Ձեզ բոլորիդ ֆաջառողջություն և Ձեր հոգևոր գործոց լիակատար հաջողություն: Ամենք:

Նորին Սրբություն Ալեքսի Պատրիարքի խոսքից հետո, խոսք է առնում Համայն Վրաստանի Պատրիարք-Կաթողիկոս Նորին Սրբություն Նիկոն Բ-ը, որը նույնպես խորին շնորհակալություն է հայտնում հրավերի և սիրալիք ընդունելության համար, և ապա խոստով է մեր երկու բույր Եկեղեցիների դարավոր բարեկամության և մեր երկու բախտակից ժողովուրդների հարևանության և համագործակցության մասին:

«Հայ և վրաց ժողովուրդների անցյալի պատմությունը շատ է նման: Անցյալում ինչպես դժբախտ են եղել մեր Եկեղեցիները, նույն այդ պատմությունը կրկնվել է նաև բախտակից մեր երկու փոքր ժողովուրդների համար:

Ձերդ Ս. Օծություն, երբ Դոմ ունեք Ս. էջմիածինը, որով իրավամբ հպարտանում է ամբողջ հայ հավատացյալ ժողովուրդը, ապա մենք ևս ունենք մեր Ս. Մծխեթան, որը մեր Ս. էջմիածինն է Վրաստանի հողի վրա, որովհետև Ս. Մծխեթան էլ անցյալում ապրել է նույն իղեպանեռով, ինչ իղեպաներ ունեցել է այս սուրբ Մայրավանքը՝ ի խնդիր իր ժողովրդի հոգևոր բարոյական դաստիարակության:

Դարերի խորից է գալիս հայ և վրաց ժողովուրդների բարեկամությունը: Հայ և վրաց ժողովուրդների լավագույն գավակները իրենց կյանքն են գրեցել միասին՝ մեր երկու Հայրենիքների համար:

Այսօր, երբ աշխարհը իրապես պետք ունի կայուն և երկարատև խաղաղության, վրաց Եկեղեցին ևս կանգնած է խաղաղության պաշտպանության առաջին դիրքերում և միշտ աղոթող է, որպեսզի խաղաղությունը բազմաթիվ մարդկանց հոգիների մեջ և այն ժամանակ հավատում ենք, թե իրական խաղաղություն կլինի, որի մեջ մեր Եկեղեցիները և մեր ժողովուրդները կարող կլինեն առաջադիմելու՝ ի փառս Աստուծո և մեր երկրների:

Թույլ տվեք մի անգամ ևս Բրիտանական սիրով ողջագուրվել Ձերդ Սրբության հետ և շնորհակալություն հայտնել այն ամենի համար, որ Ձերդ Սրբությունը և Ձեզ հետ միասին Ձեր Աթոռի զինվորային փառանքությունը ցուցաբերեց Մեր և Մեզ ուղեկցող անձանց նկատմամբ:

Պիտի աղոթեմ, որ Մեր այս հանդիպումով է՛լ ավելի սերտանան մեր բարի դրացիական հարաբերությունները: Աղոթենք այս Սրբազան Տանարի մեջ, որ տիեզերքի ամենակարող Արարիչը օգնական ու պահապան լինի մեզ բոլորիս: Ամենք:

Ապա Մայր Տաճարում պաշտվեց երեկոյան ժամերգությունը:

Ռուսաց և վրաց Սրբազան Պատրիարքները բազմել են իրենց համար պատրաստված հայրապետական աթոռների վրա, իջման Ս. Սեդանի մոտ, ձախակողմյան դասում:

Ի պատիվ Սրբազան Հյուրերի, ժամերգությունից հետո, Մայր Տաճարի երգեցիկ խումբը, ղեկավարությամբ պր. Շ. Գևորգյանի, տալիս է հոգևոր համերգ՝ Կոմիտասյան և Եկմայան պատարագներից կտորներ: Հյուրերին մեծ զոհունակություն են պատճառում Եկմայանի «Սուրբ Սուրբ»-ը, Կոմիտասյան «Քրիստոս պատարագալ»-ը, «Տէր ողորմեա»-ն, «Հայր մեր»-ը և ուրիշ երաժշտական կտորներ:

Ապա ի պատիվ Հյուրերի տրվում է ճաշկերույթ, որն անցնում է ջերմ, կրթնաբույր մթնոլորտում:

Երեկոյան, հյուրերի մի մասը, առաջնորդությամբ Վրաստանի հայոց թեմակալ առաջնորդ գերաշնորհ Տ. Կոմիտաս եպիսկոպոս Տեր-Ստեփանյանի, Արարատյան թեմի առաջնորդական փոխառնորդ հոգեշնորհ Տ. Վահան վարդապետ Տերյանի և Մայր Աթոռի զինանապետ պր. Հայկ Առաքելյանի, Երևանի Հայֆիլհարմոնիայի համերգային մեծ դահլիճում ներկա է լինում Զարուհի Դուխանյանի համերգին:

Հոկտեմբերի 27-ի ուրբաթ առավոտյան, հյուրերը դիտում են մեր մայրաքաղաքի տեսարժան վայրերը:

Ժամը 12-ին, Վեհափառ Հայրապետը, Երևանի «Հայաստան» հյուրանոցում, փոխալիքներով և տալիս երկու Պատրիարքներին և այդ առթիվ նրանց հետևողներին հանձնում հուշանվերներ:

Մեծապատիվ Հյուրերը ցանկություն են հայտնում ալիքներով տալ Հայաստանի կառավարության նախագահին:

Ժամը 1-ին, Կառավարական տանը, Վեհափառ Հայրապետին, Ալեքսի Պատրիարքին և Ծիրան Կաթողիկոսին ընդունում է Հայաստանի Մինիստրների Սովետի մեծարգո նախագահ պր. Ա. Ե. Քոչինյանը: Ընդունելությունը ներկա են լինում նաև Հայ Եկեղեցու գործերի խորհրդի նախագահ պր. Ս. Հոսպարյանը և նախագահի տեղակալ պր. Ս. Հովհաննիսյանը: Ընդունելությունը անցնում է ջերմ մթնոլորտում: Վերջում Սրբազան Պատրիարքները իրենց զնահատանքն ու խորին շնորհակալությունն են հայտնում Մեծարգո նախագահին և լավագույն տպավորություններով բաժանվում նրանից:

Ժամը 2-ին, երեք Հովհաննիսյանները իրենց ուղեկիցներով մայրաքաղաքից ժամանեցին Մայր Աթոռ, և մի փոքր հանգստից հետո դիտեցին Մայր Տաճարի սրբությունները և եկեղեցական արվեստի նմուշները:

Ժամը 3-ին Հոգևոր Ծեմարանի սրահում տեղի ունեցավ ողջերթի պաշտոնական ճաշկերույթ, որին, բացի հյուրերից, ներկա էին նաև Հայ Եկեղեցու գործերի խորհրդի նախագահ պր. Ս. Հոսպարյանը և նրա տեղակալ պր. Ս. Հովհաննիսյանը, Մայր Աթո-

ռի միաբանությունը, Գերագույն Հոգևոր խորհրդի անդամները, վանքի պաշտոններով և Երևանից եկած հյուրեր:

Ճաշկերույթն անցավ մտերմական մրթնոլորտում և արտասանվեցին բաժակաճառեր:

Ճաշից հետո Հյուրերը առաջնորդվեցին նորից Վեհափառ հրաժեշտ առնելու Մայր Աթոռից, Վեհափառ Հայրապետից և միաբանությունից:

Ապա ողջերթի մեքենաների շարասյունը ուղղվում է դեպի Երևանի օդանավակայանը:

Հյուրերին ճանապարհում է Վեհափառ Հայրապետը:

Մի վերջին անգամ երեք Հայրապետները ողջագուրվում են՝ ի նշան մեր երեք քույր Եկեղեցիների հարատև բարեկամության:

Հյուրերին ճանապարհում են նաև Հայ Եկեղեցու գործերի խորհրդի նախագահ մեծարգո պր. Ս. Գասպարյանը, Մայր Աթոռի միաբանության անդամները, Գերագույն Հոգևոր խորհրդի պատվարժան անդամները և օդանավակայանում հավաքված հավատացյալներ:

Տեղական ժամանակով ժամը 6-ին ինքնաթիռը կտրվում է Հայաստանի Մայր Հողից, տանելով իր հետ մեր երկու հարևան ժողովուրդների՝ Ռուսական և Վրացական Ուղղափառ Եկեղեցիների Սրբազան Պետերին իրենց ուղեկիցներով:

Բարի՝ ճանապարհ մեր թանկագին Հյուրերին:

ԵՂԻՇԵ ՎԱՐԴԱՊԵՏ ՍԱՐԳՍՅԱՆ

